

II

Առաջադրած հարցին՝ ո՞րն է մեր ազգային քաղաքականութեան առարկան, անմիջապէս տանք պատասխան:

Դա մէկ է, եզակի, եւ նրա անունն է՝ Հայաստան:

Թերեւս այսօր դա համարուի ոմանց կողմից այնչափ պարզ, այնչափ հասկանալի, որ անդամ աւելորդ սեպուի նրա առաջադրութիւնը: Եւ սակայն, թողնելով իսկ մէկ կողմը աւելի հեռուն, յիշենք վերջին տարիների անցեալը: Արդեօ՞ք հայութեան հաւաքականութեան, նրա բոլոր տարրերի ու խմբակցութիւնների համար անխտիր ու հաւասար չափով վըճրուած խնդիր էր, թէ այո՛, Հայաստանն է մեր ազգային քաղաքականութեան միակ առարկան, մեր ձգտումների կէտ-նպատակը, որից դուրս չկայ եւ ոչինչ, որ ընդունելի լինէր մեզ համար. միակ անփոխարինելի անօթը հայ ազգային իտէալի:

Ի հարկէ կար: Եւ դեռ չգիտեմ, թէ ներկայիս արդեօք որոշ շրջանակներ վերջնապէ՞ս հրաժարուել են քաղաքական այն հեռանկարից, համաձայն որի Հայաստանին կից եւ կամ նրանից դուրս կիլիկիայում կամ այլուր որոնելու եւ տեղաւորելու է այդ անօթը: Աւելին դեռ:

Ես չեմ համոզուած, թէ անդամ Հ. Յ. Դաշնակցութեան շարքերում կատարելապէս արմատախիլ եղած է նման մի մտայնութիւն, լինի նա տեղաւորուած թէկուզ բացառիկ անհատների ուղեղում: Երբ ուրեմն դեռ երէկ էր, որ շատեր Կիլիկիան կամ Կիլիկիան եւս համարում էին հայ պետականութեան կորիզ, երբ երէկ էր, որ այժմեան Հայաստանից դուրս եւ նրանից բաժան «Հայկական Օնախ» էին որոնում մարդիկ — այսօր վերջակէ՞ս է դըրուած նման պատրանքների — ապա ուրեմն որչափ յաճախ կրկնուի այն քաղաքական ճշմարտութիւնը, թէ Հայաստանից դուրս չկայ մեզ համար ոչ փրկութիւն, ոչ էլ մի հատիկ կորիզ, այնչափ լաւ մեր քաղաքական դատութեան համար:

Եթէ այս այսպէս է, եթէ այսօր մեզնում գոյութիւն չունի եւ ոչ մի խմբակցութիւն, որ հրապարակաւ տարբեր տեսակէտ պաշտպա-

նի, ապա ուրեմն ազգային գերագոյն շահերի տեսակէտից համապատասխան ձեւով էլ պիտի որակուի ամէն մի փորձ հակառակ կամ տարբեր ուղղութեամբ, ամէն մի քայլ, որ Հայաստանից դուրս հայութեան համար հայրենիք կ'որոնի:

Խօսքը հարկաւ մեր ժողովուրդի ցրիւ հատուածների ժամանակաւոր հարկադրեալ բնակավայրերի ու բոյների մասին չէ, որոնք պարզ օթեւանների հանգամանք միայն ունենալ կարող են: Թող այս վերջինները լինին թէկուզ շատ նպաստաւոր պայմաններում դրուած: Դրանք երբեք եւ ոչնչով չեն կարող հայրենիքը փոխարինել՝ իրենց վրայ հաստատուած մեր բազմութիւնների համար: Աւելի շատ՝ դրանք մեր աչքում մեր սեփական հայրենագրկութեան, մեր քաղաքական դըժբախտութեան մի-մի խորհրդանիշներն են, մի-մի աղաղակող վկաներ՝ մեր ազգային օրգանիզմի ջլատման փաստի:

Կարձ՝ հայ ազգային քաղաքականութեան առարկայի շուրջը այսօր ստեղծուած է մեղնում, աւելի կամ պակաս ուժեղ, մէկ ճակատ: Թանգ, շատ սուղի է նստել մեր ժողովուրդին հասարակական մտքի այդ զարդացումը, բայց վերջապէս նա փաստ է այսօր, թէ եւ տակաւին տկար փաստ:

Այս իմաստով էլ պիտի մօտենալ Միացեալ Հայաստանի դադափարին:

Սերունդների նախապատրաստած եւ 1919 թ. մայիս 28-ին հանդիսաւորապէս հռչակուած «Միացեալ Հայաստան» դադափարի մեծ խորհուրդն էլ այն է, որ միանգամ ընդմիշտ վերանում է հայ ազգային իտէալի երկճիւղ, անդամ եռաճիւղ եւ բազմաճիւղ պատկերացումը, եւ նա փոխարինում է, միանգամ ընդմիշտ, միասնական, համազգային իտէալով — Միացեալ Հայաստանով: Երկու եւ աւելի ճակատների փոխարէն այսպիսով ստեղծուած է մէկ ճակատ, այդ փաստով իսկ վերջինս դառնում է աւելի կայուն ու զօրաւոր:

Եւ սակայն երբ մենք ասում ենք Միացեալ Հայաստան, երբ մենք այդ դարձնում ենք մեր ազգային քաղաքականութեան գերագոյն առարկան, այդ չէ նշանակում տակաւին, թէ մենք նրա իրականացումն էլ համարում ենք